

Ustavom Republike Bosne i Hercegovine, propisano je da svako slobodno bira svoje zanimanje i zaposlenje (član 167. stav 2.).

Zakonom o državnoj upravi ("Službeni list RBiH", br. 26/93 i 13/94) propisano je da radnik organa uprave ne može raditi u drugom organu, preduzeću i drugom pravnom licu kao i obavljati djelatnost u vidu dopunskog zanimanja ličnim radom odnosno ličnim radom i sredstvima u svojini građana i drugim oblicima svojine (član 245.). U toku rada radnik je dužan da se pridržava pravila službe i radne discipline u organu uprave i da se izvan rada ponaša onako kako to odgovara interesima Službe i ugledu organa uprave (član 246.).

Zakonom o Službi društvenog knjigovodstva ("Službeni list RBiH", br. 2/92, 3/93, 10/94 i 13/94), propisano je da radnici Službe ne mogu biti vlasnici ili suvlasnici preduzeća ili radnji za obavljanje djelatnosti koje obavlja Služba, niti samostalno obavljati djelatnosti koje obavlja Služba. Radnik Službe ne smije preuzeti dužnosti blagajnika, knjigovode ili računovode kod pravnog lica ili samostalnog privrednika (član 134.).

Prema navedenoj ustavnoj odredbi svakome je zagarantovan izbor zanimanja i zaposlenja, a navedenim zakonskim odredbama radnicima u organima uprave odnosno Službi društvenog knjigovodstva, onemogućeno je da budu vlasnici ili suvlasnici preduzeća ili radnji za obavljanje djelatnosti koje obavlja Služba, kao i da samostalno obavljaju djelatnosti koje obavlja Služba. Ti radnici ne mogu raditi u drugom organu, preduzeću ili drugom pravnom licu, kao ni obavljati djelatnosti u vidu dopunskog zanimanja ličnim radom, odnosno ličnim radom sredstvima u svojini građana i drugim oblicima svojine. Kako se zabrana odnosi samo na radnike, a ne i na članove njegove uže porodice ili porodice njegovog bračnog druga, to je po ocjeni Ustavnog suda, dio odredbe člana 34. Pravilnika, u nesaglasnosti sa Ustavom i u suprotnosti sa zakonom.

Odluka U broj 19/94 Prava i dužnosti predsjednika
18. avgusta 1994. godine Ustavnog suda BiH vrši sudija,
Sarajevo prof. dr Ismet Dautbašić, s. r.

SLUŽBENE OBJAVE

PROGLAŠENJE UMRLIM

Tahirovski Kemal, rod. 1. 10. 1961. u Sarajevu, radnik, sa posljednjim prebivalištem u Sarajevu, Prvomajska 72, poginuo je 4. 5. 1992. godine.

Poziva se sam Tahirovski Kemal, ili svako drugo lice koje bilo šta zna o životu ili smrti Tahirovski Kemala, da se u roku od 30 dana od dana objavljivanja oglasa u "Službenom listu RBiH" javi Osnovnom sudu I u Sarajevu.

Po proteku roka od 30 dana sud će donijeti odluku po prijedlogu za dokazivanje smrti. (so-255/94)

OGLESI - KONKURSI

Javna ustanova Stomatološki fakultet sa klinikama u Sarajevu, raspisuje

KONKURS

za izbor nastavnika u zvanje redovnog profesora na predmetu Oralna hirurgija

Uslovi za izbor utvrđeni su u članu 66. Zakona o Univerzitetu i člana 113. Pravila ove Ustanove.

Konkurs ostaje otvoren 8 dana od dana objavljivanja.

Prijave sa kompletnom dokumentacijom o ispunjavanju uslova konkursa dostavljaju se na Stomatološki fakultet Sarajevo. (so-254/94)

Osnovni sud u Gradačcu po predsjedniku Vijeća - sudiji M. Halilović Bedrudinu u pravnoj stvari tužitelja PEKARIĆ MIR-SADA s. Mehmeda iz G. Lukavca, opština Gradačac, protiv tuženog PEKARIĆ OSMANA s. Mehmeda, sa boravištem u Beogradu a sada nepoznatog prebivališta radi utvrđivanja dana 25. 07. 1994. g. izdaje:

OGLAS

O POSTAVLJANJU PRIVREMENOG ZASTUPNIKA

Rješenjem ovog suda broj P-76/94 od 25. 07. 1994. god. na osnovu člana 84. ZPP-a postavljen je IBRULJ BENJAMIN advokat iz Gradačca za privremenog zastupnika tuženom PEKARIĆ OSMANU s. Mehmeda sada nepoznatog boravišta u inostranstvu a u parnici koja se vodi kod ovog suda po tužbi tužitelja PEKARIĆ MIRSAĐA radi utvrđivanja.

Istim rješenjem određeno je da će privremeni zastupnik zastupati tuženog u postupku sve dok se tuženi ili njegov punomoćnik ne pojavi pred sudom odnosno dok organ starateljstva ne obavijesti sud da je tuženom postavio staraoca.

Oglas će se objaviti u "Službenom listu RBiH" i preko oglasne table suda. (so-223/94)

SADRŽAJ

- 375 Odluka o povlačenju depozita društveno-političkih organizacija 419
- 376 Odluka o privremenom smanjivanju stopa osnovnog poreza na promet 419
- 377 Rješenje o imenovanju predsjednika i članova Upravnog i Nadzornog odbora Instituta za jezik u Sarajevu 419
- 378 Rješenje o imenovanju direktora Kinoteke Bosne i Hercegovine 420
- 379 Rješenje o imenovanju predsjednika i članova Upravnog odbora Kinoteke Bosne i Hercegovine 420
- 380 Spisak gotovih lijekova za upotrebu u veterini za čije je stavljanje u promet dato odobrenje u periodu od 1. januara do 1. septembra 1994. godine 420

USTAVNI SUD BOSNE I HERCEGOVINE

- Odluka da se ukidaju odredbe čl. 16, 17. i 18. Kriterija za dodjelu napuštenih stanova na privremeno korišćenje ("Službeni list RBiH", br. 9/92 i 9/93) 420
- Odluka da se odbija prijedlog za ocjenjivanje ustavnosti odredbe člana 7. stav 4. Uredbe sa zakonskom snagom o radnim odnosima za vrijeme ratnog stanja ili u slučaju neposredne ratne opasnosti ("Službeni list RBiH", broj 21/93) 421
- Odluka da se ukida odredba člana 34. u dijelu koji glasi: "niti na ime članova uže porodice svojih ili bračnog druga" Pravilnika o odgovornosti radnika Službe i radnika sa posebnim ovlaštenjima i odgovornosti u Službi, kojeg je 25. 1. 1993. godine donio generalni direktor Službe društvenog knjigovodstva BiH Centrala Sarajevo 421

Izdavač: Novinsko-izdavačka organizacija Službeni list RBiH - Sarajevo, Ulica Magribija 3 - Poštanski fah 3 - Direktor i odgovorni urednik Mehmedalija Huremović - Telefoni - direktor: 663-470, fax 663-470 - Redakcija, Računovodstvo i Pretplata: 663-471, Poslovnica, Braće Vujčića 21, telefon 657-441 - Grafička priprema: NIO Službeni list RBiH Sarajevo - Štampa: »OKO« dd sa p. o. Sarajevo - Za štampariju Rasim Rapa - Reklamacije za neprimljene brojeve primaju se 20 dana od izlaska lista.